

Sarajevo, 15-10-2019
Broj: 02-03-52280

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl. novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-47731 od 23.09.2019. godine, Generalna direktorica donosi:

**ODLUKU
o izboru najpovoljnijeg ponuđača
za nabavku digitalnog angiografskog RTG sistema sa pratećom opremom
za potrebe Klinike za bolesti srca, krvnih žila i reumatizam**

I

Prihvata se prijedlog Komisije za nabavku digitalnog angiografskog RTG sistema sa pratećom opremom za potrebe Klinike za bolesti srca, krvnih žila i reumatizam, po Izvještaju br. 03-06-47731 od 23.09.2019. god. nakon provedenog otvorenog postupka javne nabavke sa međunarodnom objavom i ugovor dodjeljuje najpovoljnijem ponuđaču:

MEDIT d.o.o. Sarajevo

Digitalni angiografski RTG sistem sa pratećom opremom

1. Univerzalni digitalni angiografski rendgenski sistem za dijagnostičke i interventne procedure	938.950,00 KM
2. Injektor kontrastnog sredstva	48.900,00 KM
3. Fantomi za kontrolu i kalibraciju	11.850,00 KM

Ukupna vrijednost nabavke: 999.700,00 KM + PDV 169.949,00 KM = 1.169.649,00 KM sa PDV-om

- Proizvođač i tip aparata: Japan- Canon; INFX-8000C
- Plaćanje u roku 60 dana od dana isporuke, montaže, puštanja u rad i obostrano potpisanog Zapisnika o primopredaji opreme, te obavljene edukacije i ispostavljanja fakture.
- Rok isporuke, montaže i puštanja opreme u rad opreme i edukacije osoblja je 2 (dva) mjeseca od dana potpisivanja ugovora i prijema narudžbenice.
- Garancija na isporučenu opremu je 12 mjeseci, a teče od dana obostrano potpisanog zapisnika/ protokola o primopredaji opreme.

II

U skladu sa dostavljenom „Izjavom“ izabrani ponuđač je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza traženih tačkom 4.1 Tenderske dokumentacije, ne starijih od 3 mjeseca računajući od momenta predaje ponude, a ukoliko iste nisu priložili uz ponudu.

III

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku postupka javne nabavke.

OBRAZLOŽENJE

Na osnovu Odluke br. 02-03-22649/19, pokrenut je postupak javne nabavke digitalnog angiografskog RTG sistema sa pratećom opremom za potrebe Klinike za bolesti srca, krvnih žila i reumatizam sa procijenjenom vrijednosti nabavke u iznosu 1.000.000,00 KM bez PDV-a, odnosno 1.170.000,00 KM sa PDV-om. Nabavka je planirana Planom javnih nabavki za 2019. god. (Odluka UO broj:360/19 protokol br. 02-01-18632/19

Ferkes
STC

godine; pod klasifikacijom investicije-robe redni broj 26). Sredstva u iznosu 1.000.000,00 KM obezbijedena su u Budžetu Federacije BiH za 2019 godinu, akt Federalnog ministarstva zdravstva broj: 07-14-1688/19 od 15.03.2019 (Odluka UO broj: 365/19 od 08.04.2019 protokol br. 02-01-18658) i ostatak od 170.000,00 KM za iznos PDV-a, će se platiti iz sredstava od naplate po Rješenju broj: 65-0-Ps 017369/19. Klinički centar Univerziteta u Sarajevu ja dana 16.05.2019.godine na portalu e-nabavke, objavio obavještenje o nabavci br. 893-1-1-306-3-197/19 zajedno sa tenderskom dokumentacijom i Ispravku za obavještenje br.893-1-1-306-8-332 od 21.08.2019. godine sa izmjenjenom tenderskom dokumentacijom. Sa portala e-nabavke tenderska dokumentacija za predmetni postupak javne nabavke, preuzeta je od strane 12 (dvanaest) potencijalnih ponuđača, a ispravka i Izmjenjena tenderska dokumentacija sa portala e-nabavke, preuzeta je od strane 8 (osam) potencijalnih ponuđača. Do krajnjeg roka određenog za prijem ponuda, 10.09.2019. godine do 09 h i 30 min dostavljena je 1 (jedna) ponuda, ponuđača MEDIT d.o.o. Sarajevo.

Komisija imenovana Odlukom br. 02-03-32298/19 i Odlukom o izmjeni i dopuni odluke br. 02-03-44486/19 od 05.09.2019 godine je izvršila uvid i provjeru svakog dostavljenog dokumenta i ustanovila da ponuda ponuđača Medit d.o.o. Sarajevo sadrži sve tražene elemente i ispunjava formalno pravne, suštinske i tehničke zahtjeve postavljene tenderskom dokumentacijom, te je ponuda prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. stav 1)a) ZJN.**

Obzirom da je zadovoljena transparentnost i da je cijena jedine prihvatljive ponude u okviru osiguranih sredstava za nabavku, Komisija je Izvještajem br. 03-06-47731 od 23.09.2019. godine dala prijedlog , da se donese odluka o izboru najpovoljnijeg ponuđača i ugovor za nabavku digitalnog angiografskog RTG sistema sa pratećom opremom za potrebe Klinike za bolesti srca, krvnih žila i reumatizam dodjeli ponuđaču MEDIT d.o.o. Sarajevo.

Prijedlog Komisije je prihvaćen i donosi se odluka kao u dispozitivu.


GENERALNA DIREKTORICA
Prof. dr. Šebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS

Handwritten signature in blue ink.